



國家清史編纂委員會・文獻叢刊

六編

清代稿鈔本

第二九二冊

國家清史編纂委員會・文獻叢刊

六編

清代稿鈔本

第二九二冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第二九二冊目錄

京報摘鈔

.....

京報摘鈔

不分卷

光緒十四年六月至光緒十五年十二月

佚名輯

鈔本

光緒卅六年六月十一日京報

山西巡撫臣剛毅跪 奏為特參疎防斬犯越獄脫逃之管獄官請

旨革職拿問恭摺仰祈 聖鑒事竊據署靜樂縣知縣范廷華稟

報光緒十四年三月十三日該署縣赴州面稟地方事宜公出旋據署該縣典史王愈申報本月十五日夜四更餘時監犯李三娃段二老虎乘禁卒更夫人等睡熟扭斷鐐銬越獄同逃當經督同兵役追捕於十六日拿獲段二老虎一名該署縣聞報馳回勘明訊供會營追捕李三娃已逃逸無蹤等情據此臣查李三娃因行竊棄賊逃走後被喊捕用刀扎傷事主陳喻身死案內審依竊盜被事主追捕有拒捕殺傷者仍依犯罪拒捕殺所捕人律擬斬監候段二老虎因挾嫌謀殺無服族姪婦段強氏案內審依謀殺律擬斬監候先後解經

審勘具題發回監禁聽候部覆之犯該管獄官於監獄重地並不認真防範致斬候重犯越獄同逃雖於五日限內拿獲段二老虎一名尚有李三娃一名在逃未獲實非尋常疎忽可比更恐刑禁人等有鬆刑賄縱情弊亟應提省審辦澈底根究以昭核實據該管道州揭由按察使會同布政使詳請奏咨前來相應請旨將署靜樂縣典史候補巡檢王愈革職拿問以便提同獲犯暨刑禁人等嚴審確情按律擬辦有獄官署靜樂縣知縣范廷華據報先期公出是否捏飾另行確查辦理除將該署典史王愈先行撤任飭司委員接署並飭嚴緝逃犯李三娃務獲究報外所有疎防斬犯越獄脫逃緣由理合恭摺具陳伏乞 皇太后 皇上聖鑒謹奏奉 硃批另有旨欽此光緒十四年五月二十二日奉 旨這所參疎防監犯越獄之管

獄官山西署靜樂縣典史王愈着即革職拿問交剛毅提同刑禁人等嚴訊有無鬆刑賄縱情弊按例懲辦有獄官署靜樂縣知縣范廷華據稱先期公出。是否捏飾着另行確查辦理仍勒限將逸犯李三娃務獲究辦餘着照所議辦理該部知道欽此

光緒十四年六月二十二日京報

頭品頂戴陝西巡撫臣葉伯英跪 奏為揀員調補省會首邑知縣

恭摺仰祈 聖鑒事竊照咸甯縣知縣胡瀛濤於光緒十三年正月

二十九日丁憂遺缺以本日作為開缺日期係沖煩疲難四項兼全

要缺當經臣以洵陽縣知縣趙嘉肇調補嗣准吏部議覆該員趙嘉肇捐免歷俸在咸甯縣見缺以後所請調補之處核與新章不符駁

令另行揀補等因查該縣為省會首邑政務殷煩時有發審案件非

勤能幹練之員難資治理臣與署藩司曾鈺署臬司文光復於通省

現任簡缺正途應調知縣內逐加遴選現居要缺即人地未宜惟

查有富平縣知縣焦雲龍現年四十九歲山東舉人同治甲戌科進

士以即用知縣簽發陝西十月到省光緒四年准補三原縣知縣十

月到任加捐同知銜八年十一月調署咸甯縣事旋經調補九年三月丁憂回籍十一年六月服滿起復呈請仍歸原省候補十一月到省十三年正月 題補富平縣知縣 十三日到任查該員潔已愛民實心任事^任內並無欠解錢糧展叅及盜劫已起四叅之案該員前因三原縣知縣歷俸三年期滿曾經調補咸甯縣知縣今以三項要缺仍請調補咸甯縣四項兼全省會首邑與例相符實堪勝任據署藩臬兩司會詳前來合無仰懇 天恩俯念首邑需員 飭部核覆准以富平縣知縣焦雲龍調補咸甯縣知縣洵於地方有裨如蒙俞允該員係知縣調補知縣銜缺相當毋庸送部引 見所遺富平縣知縣係要缺俟焦雲龍准調咸甯縣知縣部覆至日另行調補合併陳明所有揀員調省^補會首邑知縣緣由謹會同陝甘總督臣譚鍾麟恭摺具陳伏乞 皇太后 皇上聖鑒訓示謹 奏奉 硃批

戊子京報

六月二十七日

安徽
巡撫 陳 彝

再據建德縣知縣葉鴻基稟稱因該縣上鄉十八保錢漕完納不前於本年二月間親往督催在永豐巡檢司署邀集紳士開導完糧三月初八日突有鹽田保鄉民多人稱尋紳董講理闖入巡檢署中滋鬧擁擠之際致該巡檢脊口傾跌受傷眾始紛散等情臣查建德之上鄉與江西鄱陽彭澤接壤小民風氣器凌動輒滋事抗官營保即有要求緩徵之事查獲監生徐綸增生鄧煌二名提省究辦鄧煌旋在候審所逃逸案尚未結茲鹽田保民人又有聚眾闖入官署之案該紳董等平日魚肉鄉民固難保其必無而聚眾抗官漸不可長當即飭派文武委員馳赴該處會同營縣訪拿首要人犯勸諭鄉愚各自完糧安業去後即據協獲徐泰徐廷超二名解省並訪聞為首係

徐俊慎徐世祿二人均已越境在逃等因前來當經咨請江西撫臣轉飭鄱陽等縣一體協拿徐俊慎等務獲歸案究辦現在各保良民均各陸續輸將地方安靜至該縣葉鴻基查照勘定荒熟催徵係屬應辦惟刁民兩次生事不能彈壓即與地方不宜除飭藩臬兩司先將該縣撤任並俟訊明此案實情再行具奏外所有建德縣鄉民滋事拿犯訊辦緣由謹附片具陳伏乞 聖鑒訓示謹 奏奉 硃批知道了欽此

光緒五年七月初六日京報

奴才希元恩澤跪 奏為審明營弁鞭責不服彈壓之站丁越日斃命比律定擬緣由恭摺仰祈 聖鑒事竊查據全營翼長吉陞阿等稟報駐紮蘇瓦廷站雲騎尉委叅領常山飭兵鞭責站丁孫殿香越日身死一案當經委員驗明發交發審局委審集証審明錄供送核奴才等督飭刑司司員覆加研鞫緣常山係滿洲廂藍旗慶祿佐領下雲騎尉飭派帶隊在各處彈壓地面巡查賊匪光緒十二年四月間調在蘇^瓦廷站駐紮適聞該站站丁有倚勢擾民情事隨札飭常山就近查辦八月二十七日站官貴春因公進省站丁孫殿香向該站民人張永忠藥鋪內賒藥張永忠因前欠藥錢未償不允賒給孫殿香逞兇肆鬧張永忠赴營喊告經常山將孫殿香傳至申斥次日午

後張永忠復報孫殿香挾嫌尋釁推倒鋪櫃並言欲將其全家殺害
懇求彈壓常山又將孫殿香傳營查詢孫殿香不服咆哮肆行詈罵
常山即令隊兵連順將孫殿香按倒在其右骹責打二十下釋放孫
殿香即在該站于見水火房住宿延至九月初八日因傷殞命經屍
胞兄孫殿青控訴委員詣驗交局集証研鞫據各供認前情不諱詰
無另有別情案無遁飾查律載官司決人不如法因而致死者杖一
百行杖之人減一等又斷罪無正條援引他律比附定擬各等語此
案雲騎尉常山因站丁孫殿香在張永忠鋪內賒藥肆鬧該員傳營
申斥後復因孫殿香往鋪尋釁推倒鋪櫃查問不服咆哮詈罵遂令
隊兵連順用鞭將其右骹責打二十釋放越十二日因傷身死查孫
殿香既充站丁並不奉公守法無故向鋪戶肆擾已屬情近棍徒猶

敢言罵官長實有應得之罪該員奉派帶隊駐紮地面有匪徒滋擾
自應彈壓且係奉札查辦即有應訊之責原驗傷痕係在右髀本屬
受刑部位責僅二十死越一旬若遽將該員照監臨官因公事非法
毆打致死者擬以滿徒未免情輕法重自應衡情酌斷常山應請比
照官司決人不如法因而致死者杖一百律杖一百係職官請 旨
即行革職免其發落所遺雲騎尉世職另行揀員承襲仍追埋葬銀
一十兩給付死者之家隊兵連順聽使下手比照行杖之人減一等
律於常山滿杖罪上減一等擬杖九十係旗人鞭責發落孫殿香擾
民詈官本干律擬業已身死應毋庸議欠錢勿徵張永忠訊無不合
請免置議無干省釋屍棺飭屬領埋除抄錄全案供招原驗屍格一
併咨送刑部查核並咨報兵部外所有奴才等審明議擬緣由是否

有當理合恭摺具奏伏乞 皇太后 皇上聖鑒謹 奏奉 硃批
刑部議奏欽此

光緒五年七月十四日京報

頭品頂戴湖廣總督臣裕祿頭品頂戴湖北巡撫臣奎斌跪 奏為
簡缺知縣照例擬補恭摺仰祈 聖鑒事竊照巴東縣知縣焦起騫
在任病故當經 題報開缺聲明所遺員缺扣留外補查截缺章程
內載丁憂病故之缺有本日可計者即以本日作為開缺日期今巴
東縣知縣焦起騫係於光緒十三年正月初九日病故應歸正月分
截缺是月分祇此一缺毋庸掣簽當以正途出身曾任實缺之候補
知縣蔡迪康 題補尚未接准部覆旋即聞訃丁憂自應仍以原開
缺日期更補又以正途出身之候補班遇缺即補知縣李保澂 題
補茲准吏部咨覆查該省候補知縣班內尚有到省在前之曾任實
缺應升候補知縣顧際熙未據咨報有無事故所請以候補知縣李